

Na osnovu člana 33. Zakona o zdravstvenom osiguranju ("Službene novine Federacije Bosne i Hercegovine", broj: 30/97, 7/02, 70/08, 48/11, 36/18 i 61/22), Odluke o proširenom obimu prava na korištenje ortopedskih i drugih pomagala za ratne vojne invalide u Zeničko-dobojskom kantonu ("Službene novine Zeničko-dobojskog kantona", broj: 12/26) i Odluke Upravnog odobora Zavoda zdravstvenog osiguranja Zeničko-dobojskog kantona broj: 01-100-67-586/26 od 08.06.2026.godine, Zavod zdravstvenog osiguranja Zavod zdravstvenog osiguranja Zeničko-dobojskog kantona upućuje

JAVNI POZIV

za izbor dobavljača za nabavku ortopedskih i drugih pomagala za ratne vojne invalide u Zeničko-dobojskom kantonu prema karakteristikama utvrđenim Listom pomagala za RVI, za koja Zavod zdravstvenog osiguranja Zeničko-dobojskog kantona snosi troškove u iznosu od 50% cijene utvrđene Cjenovnikom ortopedskih i drugih pomagala po Listi pomagala za RVI

I PREDMET

Predmet poziva je ugovaranje nabavke ortopedskih i drugih pomagala za ratne vojne invalide u Zeničko-dobojskom kantonu prema karakteristikama utvrđenim Listom pomagala za RVI, za koja Zavod zdravstvenog osiguranja Zeničko-dobojskog kantona snosi troškove u iznosu od 50% cijene utvrđene Cjenovnikom ortopedskih i drugih pomagala po Listi pomagala za RVI.

II. PRAVO NA PRIJAVU:

Pravo na prijavu, odnosno uspostavljanje ugovornog odnosa za nabavke ortopedskih i drugih pomagala za ratne vojne invalide u Zeničko-dobojskom kantonu prema karakteristikama utvrđenim Listom pomagala za RVI, za koja Zavod zdravstvenog osiguranja Zeničko-dobojskog kantona snosi troškove u iznosu od 50% cijene utvrđene Cjenovnikom ortopedskih i drugih pomagala po Listi pomagala za RVI (u daljem tekstu: **Lista pomagala za RVI**) imaju sve pravne i fizičke osobe koje su upisane u Registar proizvođača medicinskih sredstava, prometnika i veleprometnika medicinskim sredstvima na koje se primjenjuju odredbe Zakona o lijekovima i medicinskim sredstvima ("Službeni glasnik BiH", broj: 58/08), odredbe Pravilnika o medicinskim sredstvima ("Službeni glasnik BiH", broj: 04/10 i 21/22), kao i pravne i fizičke osobe koje imaju Rješenje nadležnog ministarstva zdravstva o ispunjavanju uvjeta prostora, kadra i opreme za promet ortopedskim i drugim pomagalicima.

III. SADRŽAJ PRIJAVE

Sadržaj prijave za subjekte koji konkurišu za snabdijevanje ortopedskim i drugim pomagalicima za RVI.

1. Naziv i tačna adresa ponuđača, broj telefona i faksa, e-mail adresa, te podaci o ovlaštenoj osobi za zastupanje;
2. Ovjerena kopija rješenja nadležnog ministarstva zdravstva o ispunjavanju uvjeta prostora, kadra i opreme za promet ortopedskim i drugim pomagalicima,
3. Ovjerena kopija rješenja o upisu u registar veletrgovaca medicinskim sredstvima izdato od Agencije za lijekove i medicinska sredstva BiH i kopiju rješenja o upisu u registar proizvođača medicinskih sredstava, izdato od Agencije za lijekove i medicinska sredstva BiH, (ukoliko se posjeduje) ili ugovor o saradnji sa veletrgovcem medicinskim sredstvima uz koji mora biti priloženo rješenja o upisu u registar tog veletrgovaca medicinskim sredstvima izdato od Agencije za lijekove i medicinska sredstva BiH i kopija rješenja o upisu u registar proizvođača medicinskih sredstava, izdato od Agencije za lijekove i medicinska sredstva BiH.
4. Ovjerena kopija Rješenje o registraciji, izdato od nadležnog suda (ukoliko su registrovani u sudu) ili dokaz iz odgovarajućeg drugog registra koji se vodi u skladu sa pozitivnim pravnim propisima,
5. Uvjerjenje Poreske uprave Federacije BiH o izmirenim doprinosima za PIO, zdravstveno osiguranje i osiguranje za slučaj nezaposlenosti.
6. Izjava ponuđača da će u ugovornom periodu blagovremeno i kontinuirano pružati usluge snabdijevanja ortopedskim i drugim pomagalicima za ratne vojne invalide u Zeničko-dobojskom kantonu prema karakteristikama utvrđenim Listom pomagala za RVI.
7. dodatnu dokumentaciju ukoliko ima potrebe za istom.

IV. DOSTAVLJANJE PRIJAVE

Prijavu dostaviti lično na protokol Zavoda ili preporučenom poštom u zatvorenoj koverti na adresu Zavoda, ulica dr. Abdulaziza Aska Borića 28B Zenica, s naznakom „Prijava po Javnom pozivu za izbor dobavljača za nabavku ortopedskih i drugih pomagala za ratne vojne invalide u Zeničko-dobojskom kantonu prema karakteristikama utvrđenim Listom pomagala za RVI, za koja Zavod zdravstvenog osiguranja Zeničko-dobojskog kantona snosi troškove u iznosu od 50% cijene utvrđene Cjenovnikom ortopedskih i drugih pomagala po Listi pomagala za RVI (Ne otvaraj!)“

V. ROK ZA DOSTAVU PRIJAVE

Prijave se mogu dostaviti u toku cijele 2026. godine. Sa svim dobavljačima koji ispune uslove iz ovog Javnog poziva mogu se zaključiti ugovori.

VI. ZAKLJUČIVANJE I ELEMENTI UGOVORA

Ugovorom će se regulirati:

- predmet ugovora (vrsta, način i obim isporuke ortopedskih i drugih pomagala),
- međusobna prava i obaveze ugovornih strana,
- rok, način plaćanja i fakturiranja,
- učešće Zavoda u cijenama pomagala i medicinskih materijala određeno je "Cjenovnikom ortopedskih i drugih pomagala po Listi pomagala za RVI" koji donosi Upravni odbor Zavoda,
- trajanje i raskid ugovora,
- kaznene odredbe u slučaju povrede ugovornih odredbi,
- rok isporuke pomagala,
- ostale odredbe.

VII. OSTALE ODREDBE

Zavod ne snosi nikakve troškove učešća ponuđača u postupku Javnog poziva, te zadržava pravo prihvatiti ili odbiti u potpunosti ili djelomično svaku prijavu/ponudu prije zaključenja ugovora, poništiti Javni poziv u cijelosti ili djelomično i pri tome ne snosi nikakvu odgovornost prema dobavljaču.

Zavod učestvuje u cijenama pomagala i medicinskih materijala iz Jedinstvene liste pomagala do iznosa određenog u "Cjenovnik ortopedskih i drugih pomagala po Listi pomagala za RVI" koji donosi Upravni odbor Zavoda.

Za sve dodatne informacije u vezi s Javnim pozivom zainteresirani subjekti/dobavljači se mogu obratiti Zavodu na broj telefona 032/466-285.

Zavod zadržava pravo da zatraži dodatno tumačenje ili dopunu prispjelih ponuda u procesu razmatranja prispjelih prijava.

DIREKTOR

Ahmed Kasap, mag.oec.